



THE SAGE UNIVERSITY

ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ՀԱՆԴԻՊԵՑ ՄԱԿ-Ի ԳԼԽԱՎՈՐ ՔԱՐՏՈՒՂԱՐԻ ՀԵՏ

Հունիսի 22-ին Ն.Ա.Օ.Տ.Տ. Գարեգին Ա Ամենայն Հայոց Կաթողիկոսը հանդիպում ունեցավ ՄԱԿ-ի գլխավոր քարտուղար Կոֆի Անանի հետ:

Զրույցի ընթացքում Վեհափառ Հայրապետը կարևորել է Կոֆի Անանի դերը ՄԱԿ-ի գործունեության իմսենսիվացման և հակամարտությունների կարգավորման, ինչպես նաև ՄԱԿ-ում բարեփոխումների իրականացման գործում:

Անդրադառնալով Լեռնային Ղարաբաղի հիմնահարցին՝ Վեհափառ Հայրապետն ընդգծել է, որ դրա լուծումը պետք է հիմնված լինի մարդու իրավունքների և ինքնորոշման իրավունքի վրա: Նա շեշտել է, որ Հայաստանը մշտապես կողմնակից է եղել հիմնահարցի խաղաղ կարգավորմանը:

Վեհափառ Հայրապետին ուղեկցում էին ՄԱԿ-ում Հայաստանի մշտական ներկայացուցիչ Մովսես Աբելյանը և ԱՄՆ-ի Արևելյան թեմի առաջնորդ գերաշնորհ Տ. Խաժակ արքեպիսկոպոս Պարսամյանը: